

სატენდერო დოკუმენტაცია

საქართველოს ტექნიკური უნივერსიტეტი

ქ. თბილისი
2012 წელი

სარჩევი

I. ტექნიკური დოკუმენტაცია	3
II. ტექნიკური დავალება	4
III. სახელმწიფო შესყიდვების შესახებ ხელშეკრულების პროექტი	5
IV. დანართი №1 - ფასების ცხრილი	8
V. სატენდერო დოკუმენტაციის დანართები	9

I. პრეტენდენტის ტექნიკური დოკუმენტაცია

1. პრეტენდენტის მიერ წარმოდგენილი ტექნიკური დოკუმენტაცია უნდა შეიცავდეს შემდეგ დოკუმენტებსა და ინფორმაციას:

ა) ფასების ცხრილს დანართი №1-ის შესაბამისად

ბ) შესყიდვაში მონაწილის რეკვიზიტები: მისი სრული სახელწოდება, იურიდიული მისამართი, ტელეფონის ნომერი, საბანკო რეკვიზიტები, ხელმძღვანელ(ებ)ის სახელი და გვარი,

პრეტენდენტს არ აქვს უფლება წარმოადგინოს ალტერნატიული სატენდერო წინადადება.

ტენდერის შესახებ დამატებითი ინფორმაცია შეგიძლიათ მიიღოთ შემდეგი საკონტაქტო პირისგან: სატენდერო კომისიის აპარატის წევრი: ეკა ივანიშვილი – ტელ: 2-364-368

II. ტექნიკური დავალება

1. შესყიდვის ობიექტს წარმოადგენს კონუსური ძალოვანი რგოლის კონსტრუქციის 2 მეტრიანი მოდელის შესყიდვა.

კონუსური რეფლექტორული ანტენის ძალოვანი რგოლის კონსტრუქციის 2 მეტრიანი მოდელი სახსრულად დაკავშირებული დეროვანი სისტემაა. კერძოდ, იგი მოიცავს ზედა ტრანსფორმირებად რგოლს, ქვედა ხისტ წრიულ სადგომსა და სახსრულად მათ დამაკავშირებელ დგარებს.

ტრანსფორმირებადი რგოლი შედგება ექვსი სექციისაგან და მისი დიამეტრი 2 მეტრია. თითოეული სექცია წარმოადგენს ცენტრალური სახსრით დაკავშირებულ წვეილ წრიული კვეთის ალუმინის დეროს. სექციები ერთმანეთთან მიერთებულია სახსრულად, შესაბამისი კუთხის მქონე ხისტი კრონშტეინებით. კრონშტეინებში ჩამონტაჟებულია საკისრები, რომელთა დერძი რადიალური მიმართულების პერპენდიკულარულადაა განლაგებული.

სადგომი წრიული ფოლადის 5 მმ-ანი ფილაა დიამეტრით 400 მმ. მასზე რადიალური მიმართულებით ხისტადაა დამაგრებული ექვსი ყურებიანი კრონშტეინი, რომლებშიც ჩამონტაჟებულია საკისრები. საკისრების დერძები ასევე რადიალური მიმართულების პერპენდიკულარულადაა განლაგებული.

დგარები ასევე წრიული კვეთის ალუმინის დეროებია, რომლებიც უზრუნველყოფენ რგოლისა და სადგომის ერთმანეთთან სახრულ მიერთებას.

თეორიულად წარმოდგენილ სისტემას გააჩნია კინემატიკური მოძრაობის ერთი ხარისხი და როდესაც დეროები ჩათვლილია აბსოლუტურად ხისტ სხეულებად მისი სინქრონული გაშლა აბსოლუტურად უზრუნველყოფილია.

ექსპერიმენტის მიზანია რეალური კონსტრუქციისათვის, მისი შემადგენელი ელემენტების რეალური სიხისტეების შემთხვევაში პრაქტიკულად დადასტურდეს სისტემის ბუნებრივი სინქრონიზაციის რეალობა.

შესყიდვის ობიექტის ტექნიკური სპეციფიკაციები მოცემულია სატენდერო დოკუმენტაციის დანართის სახით.

2. შესყიდვის ობიექტის მიწოდების სავალდებულო ვადა - სახელმწიფო შესყიდვის შესახებ ხელშეკრულების გაფორმებიდან 2012 წლის 25 დეკემბრამდე, მიწოდების ადგილი: ქ. თბილისი, კოსტავას ქ. 68^ბ.

3. ფასი უნდა იყოს საბოლოო, ითვალისწინებდეს შესყიდვის ობიექტის მოწოდებასთან დაკავშირებულ მიმწოდებლის ყველა ხარჯებს და საქართველოს კანონმდებლობით დადგენილ ყველა გადასახადს.

4. სატენდერო წინადადების საერთო და ერთეულის ფასის წარმოდგენა დასაშვებია მხოლოდ ეროვნულ ვალუტაში.

5. ანგარიშსწორება მოხდება უნაღდო ანგარიშსწორებით ეროვნულ ვალუტაში, მიღება-ჩაბარების აქტის ხელმოწერიდან 5 კალენდარული დღის განმავლობაში. წინასწარი ანგარიშსწორება არ გამოიყენება.

6. გამარტივებულ ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილი უნდა იქნეს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

7. ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

III. ხელშეკრულება სახელმწიფო შესყიდვის შესახებ
(პროექტი) №

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც განუყოფელი ნაწილი.

ქ. თბილისი

----- 2012 წელი

ერთის მხრივ – საქართველოს ტექნიკური უნივერსიტეტი (მისამართი: ქ. თბილისი, მ.კოსტავას ქ. №77) წარმოდგენილი ადმინისტრაციის ხელმძღვანელის ქ. ქოქრაშვილის სახით („შემსყიდველი“), და მეორეს მხრივ – ----- (მისამართი: -----) მისი დირექტორის ----- სახით („მიმწოდებელი“), ადასტურებენ, რომ მათ შორის მიღწეულია შეთანხმება შემდეგზე:

1. ხელშეკრულების ობიექტი

- 1.1. ხელშეკრულების ობიექტს წარმოადგენს: „სხვადასხვა სატრანსპორტო მოწყობილობები და სათადარიგო ნაწილები“ (CPV34900000) შესყიდვა.
- 1.2. შესყიდვის განხორციელების საშუალება – გამარტივებული ელექტრონული ტენდერი.

2. ხელშეკრულების ფასი

- 2.1. ხელშეკრულების ფასი შეადგენს: ----- ლარს.
- 2.2. ხელშეკრულების ფასი საბოლოოა და ითვალისწინებს შესყიდვის ობიექტის მოწოდებასთან დაკავშირებულ მიმწოდებლის ყველა ხარჯებს და საქართველოს კანონმდებლობით დადგენილ ყველა გადასახადს.

3. ხელშეკრულების შესრულების კონტროლი

- 3.1. შემსყიდველი უფლებამოსილია განახორციელოს კონტროლი და ზედამხედველობა მიმწოდებლის მიერ ნაკისრი ვალდებულებების შესრულებაზე. ხელშეკრულებით ნაკისრი ვალდებულებების შესრულების ინსპექტირებას განახორციელებს -----;
- 3.2. მიმწოდებელი ვალდებულია საკუთარი ხარჯებით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა.

4. შესყიდვის ობიექტის მიწოდების ვადა, ადგილი

- 4.1. შესყიდვის ობიექტის მოწოდების ვადა - ხელშეკრულების გაფორმებიდან არაუგვიანეს 2012 წლის 25 დეკემბრამდე. მიწოდების ადგილი: ქ. თბილისი, კოსტავას ქ. 68ბ.

5. გარანტია

- 5.1. მიმწოდებელი იძლევა გარანტიას, რომ შესყიდვის ობიექტი იქნება ხარისხიანი და დააკმაყოფილებს დადგენილ ტექნიკურ პირობებს.

6. ანგარიშსწორების ფორმა, ვადები და პირობები

- 6.1. მიმწოდებელთან ანგარიშსწორება განხორციელდება უნაღლო ანგარიშსწორების წესით ეროვნულ ვალუტაში;
- 6.2. ანგარიშსწორება განხორციელდება შემდეგნაირად: -----

7. უფლებების გადაცემა

7.1. მიმწოდებელს არა აქვს უფლება შემსყიდველის წერილობითი თანხმობის გარეშე მოთიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობები.

8. ხელშეკრულების პირობების შეუსრულებლობა

8.1 ფორს-მაჟორული პირობების გარდა, ხელშეკრულებით ნაკისრი ვალდებულებების შეუსრულებლობის ან შესრულების ვადის გადაცილებისათვის მიმწოდებელს დაეკისრება პირგასამტეხლოს გადახდა, – ყოველ გადაგადაცილებულ დღეზე ხელშეკრულების ღირებულების 0.1%-ის ოდენობით.

8.2 საჯარიმო სანქციის გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

9. ფორს-მაჟორი

9.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

9.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

9.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისდა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოწვევის ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

10. დავების გადაწყვეტა

10.1. მხარეთა შორის სადაო საკითხი წყდება მოლაპარაკების გზით. 30 დღის განმავლობაში შეთანხმების მიუღწევლობის შემთხვევაში საკითხი განიხილება საქართველოში მოქმედი კანონმდებლობის შესაბამისად.

11. ხელშეკრულების მოქმედების ვადა

11.1. წინამდებარე ხელშეკრულება ძალაში შედის ხელმოწერის დღიდან და მოქმედებს -

12. სხვა პირობები

12.1. ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან (ერთი პირი მიმწოდებელთან და ერთი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

12.2. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

მხარეთა რეკვიზიტები:

შემსყიდველი:

მიმწოდებელი:

IV. დანართი №1

ფასების ცხრილი
პრეტენდენტის დასახელება _____

N	დასახელება	რაოდენობა	ერთეულის ფასი	საერთო ღირებულება	მიწოდების ვადა
1	2	3	4	5	6

პრეტენდენტის ხელმძღვანელის
ხელმოწერა და ორგანიზაციის ბეჭედი _____